

Հավելված
ՀՀ կառավարության 2022 թվականի
հունիսի 23-ի N 951 - Ն որոշման

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՇՏՊԱՆՈՒԹՅԱՆ
ՆԱԽԱՐԱՐՈՒԹՅՈՒՆ ՀԱՄԱԿԱՐԳՈՒՄ ՍՊԱՌԱԶԻՆՈՒԹՅՈՒՆ
ԵՎ ՌԱԶՄԱԿԱՆ ՏԵԽՆԻԿԱՅԻ ԳՆՈՒՄՄԵՐԻ ԿԱՏԱՐՄԱՆ
ԸՆԹԱՑԱԿԱՐԳԵՐԻ ԱՌԱՆՁՆԱՀԱՏԿՈՒԹՅՈՒՆՆԵՐԸ**

1. ԸՆԴՀԱՆՈՒՐ ԴՐՈՒՅԹՆԵՐ

1. Սույն ընթացակարգով կարգավորվում են գնումների մասին Հայաստանի Հանրապետության օրենսդրության պահանջներին համապատասխան՝ Հայաստանի Հանրապետության պաշտպանության նախարարության կողմից Հայաստանի Հանրապետության գինված ուժերի կարիքների (այսուհետ՝ ՀՀ ԶՈՒ կարիքներ) համար սպառազինության և ռազմական տեխնիկայի գնումների (այսուհետ նաև՝ ռազմական նշանակության գնումներ կամ ՌՆԳ) իրականացման գործընթացի առանձնահատկությունների հետ կապված հարաբերությունները:

2. Սույն ընթացակարգով իրականացվում են թե՛ սպառազինության և ռազմական տեխնիկայի զարգացման պետական ծրագրում (այսուհետ նաև՝ ծրագիր) ներառված, և թե՛ ծրագրում չներառված՝ Հայաստանի Հանրապետության կառավարության 2017 թվականի մայիսի 4-ի N 526-Ն որոշմամբ հաստատված կարգի 23-րդ կետի 4-րդ ենթակետի ցանկի 5-րդ կետի հիման վրա կատարվող գնումների գործընթացները:

3. Ռազմական նշանակության գնումների գործընթացը կարգավորվում է գնումների մասին Հայաստանի Հանրապետության օրենսդրությամբ, Հայաստանի Հանրապետության քաղաքացիական օրենսգրքով, համապատասխան միջազգային պայմանագրերով, սույն ընթացակարգով:

2. ՌԱԶՄԱԿԱՆ ՆՇԱՆԱԿՈՒԹՅԱՆ ԳՆՈՒՄՆԵՐԻ ԻՐԱԿԱՆԱՑՄԱՆ ՊԱՅՄԱՆՆԵՐԸ

4. ՀՀ ԶՈՒ կարիքների համար սպառագինության և ուղարկան տեխնիկայի գնումներն իրականացվում են Հայաստանի Հանրապետության պաշտպանության նախարարի (այսուհետ՝ նախարար) համաձայնությամբ՝ Հայաստանի Հանրապետության զինված ուժերի գլխավոր շտարի պետի (այսուհետ՝ ԳՇ պետ) կողմից ներկայացված գրավոր առաջարկությամբ, որը պետք է ներառի՝

1) տվյալ գնման կարիքի նկարագրերը, որոնք պետք է սպառիչ և բավարար ճշտությամբ պարզաբանեն, թե կոնկրետ ինչ խնդիր է պլանավորվում լուծել այդ միջոցի ձեռքբերմամբ, որպեսզի հետագայում հնարավոր լինի գնահատել պլանավորված և փաստացի արդյունքները, զինված ուժերում գնման առարկա հանդիսացող սպառագինության և ուղարկան տեխնիկայի առկա քանակները (եթե առկա են), դրանց վիճակը, դրանց ավելացման անհրաժեշտությունը։ Ըստ որում՝ գնման կարիքը պետք է ուղղակի բխի զինված ուժերի մարտական կիրառման պլաններից։

2) սպառագինության և ուղարկան տեխնիկայի միջոցի գնման (աշխատանքի կատարման և (կամ) ծառայության մատուցման) նախընտրելի ժամանակացույցը՝ նշելով, թե երբ պետք է գնման առարկան հանձնվի պատվիրատուին, նախնական մոտավոր արժեքը, ինչպես նաև ֆինանսավորման հնարավոր աղբյուրը և վճարման ժամանակացույցը, կամ տեղեկատվություն՝ ֆինանսավորման հնարավոր աղբյուրի բացակայության մասին։

3) համեմատական վերլուծություն և հավաստում առ այն, որ սպառագինության և ուղարկան տեխնիկայի հնարավոր այլ միջոցների համեմատ՝ տվյալ միջոցն առավել տնտեսող, արդյունավետ և օգտավետ է։

4) այլ տեղեկություններ՝ ԳՇ պետի հայեցողությամբ։

5. Եթե որևէ իրավաբանական կամ ֆիզիկական անձի կողմից ներկայացվել է ՌՆԳ-ի հետ կապված առևտրային առաջարկ, ապա այն ենթակա է քննարկման 20 աշխատանքային օրվա ընթացքում հետևյալ պայմանների առկայության դեպքում։

1) առաջարկի վերաբերյալ առկա է ԳԸ պետի գրավոր համաձայնությունը՝ սույն ընթացակարգի 4-րդ կետում նախատեսված տեղեկատվությամբ հանդերձ.

2) Ներկայացնողն ունի «Լիցենզավորման մասին» Հայաստանի Հանրապետության օրենքով սահմանված ու ազմական նշանակության արտադրանքի ներմուծման և արտահանման կամ ու ազմական նշանակության արտադրանքի տարանցիկ փոխադրման կամ ու ազմական նշանակության արտադրանքի առևտրի միջնորդական գործունեության գործող լիցենզիա, կամ հանդիսանում է Հայաստանի Հանրապետության ոչ ոեզիդենտ՝ տվյալ սպառագինության և ու ազմական տեխնիկայի անմիջական արտադրողը և հանդես չի գալիս որպես միջնորդ։ Սույն ենթակետի պահանջները չապահովելու դեպքում առաջարկը, այն ստանալու օրվան հաջորդող 10 աշխատանքային օրվա ընթացքում, մերժվում է.

3) Տվյալ արտադրանքը Հայաստանի Հանրապետության օրենսդրությամբ սահմանված կարգով և համապատասխան ծրագիր-մեթոդիկաների համաձայն՝ անցել է պետական փորձարկումներ և տրվել է դրական եզրակացություն՝ Հայաստանի Հանրապետության ոեզիդենտ արտադրողի կողմից առաջարկ ներկայացվելու դեպքում, իսկ ոչ ոեզիդենտի պարագայում՝ արտադրող երկրի սերտիֆիկատը՝ պետական փորձարկումներ անցած լինելու մասին։

3. ՌԱԶՄԱԿԱՆ ՆՇԱՆԱԿՈՒԹՅԱՆ ԳՆՈՒՄՆԵՐԻ ԳՈՐԾԸՆԹԱՑԻ ՄԵԿՆԱՐԿԸ

6. ՌՆԳ-ի գործընթացի մեկնարկն սկսվում է նախարարին ուղղված՝ ԳԸ պետի գրավոր առաջարկությամբ՝ նշելով գնումը կատարելու հիմքը և անհրաժեշտությունը։ Դրական որոշման դեպքում՝ առաջարկը նախարարի համապատասխան մակագրությամբ հասցեագրվում է Հայաստանի Հանրապետության պաշտպանության նախարարության համակարգում պատվիրատուի դեկավարին (այսուհետ՝ պատվիրատուի դեկավար)՝ որպես առաջին հասցեատեր, և ԳԸ պետին՝ որպես երկրորդ հասցեատեր՝ ի գիտություն։ Բացասական կամ առաջարկը լրամշակելու, կամ պարզաբանելու կամ այլ որոշման դեպքում՝ առաջարկին ընթացք է տրվում՝ ըստ նախարարի ցուցումի։

7. ՈՆԳ-ի գործընթաց մեկնարկելու դրական որոշման դեպքում պատվիրատուի դեկավարը հանձնարարում է Հայաստանի Հանրապետության պաշտպանության նախարարության իրավասու ստորաբաժանմանը (այսուհետ՝ իրավասու ստորաբաժանում) ընթացք տալ առաջարկությանը՝ հետևյալ կարգով.

1) Եթե գնման ֆինանսավորման աղբյուրը բացակայում է, ապա իրավասու ստորաբաժանումը, ըստ անհրաժեշտության համագործակցելով այլ կառուցվածքային ստորաբաժանումների հետ, ուսումնասիրում է Հայաստանի Հանրապետության պաշտպանության նախարարության տվյալ և (կամ) հաջորդ տարիների բյուջեների միջոցների կամ այլ աղբյուրների հաշվին, այդ թվում՝ տարածամկետ վճարմամբ գնման ֆինանսավորման հնարավորությունը, և տասն աշխատանքային օրվա ընթացքում պատվիրատուի դեկավարի միջոցով նախարարին է ներկայացնում գրավոր կարծիք: Ըստ որում, եթե ֆինանսավորման հնարավոր աղբյուրը՝

ա. չի բացահայտվում և առկա չէ հաջորդ տարիների բյուջեների միջոցների կամ այլ աղբյուրների հաշվին, այդ թվում՝ տարածամկետ վճարմամբ գնման ֆինանսավորման հնարավորություն, ապա գնման գործընթաց չի մեկնարկում,

բ. բացահայտվում է, ապա ֆինանսավորման աղբյուրի վերաբերյալ նախարարի դրական որոշման դեպքում՝ պատվիրատուի դեկավարը հանձնարարում է սահմանված կարգով մեկնարկել գնման գործընթաց.

2) Եթե գնումը պետք է իրականացվի համապատասխան միջազգային պայմանագրի շրջանակներում, այսինքն՝ տվյալ գնման ընթացակարգի նկատմամբ գնումների մասին Հայաստանի Հանրապետության օրենսդրության պահանջները կիրառելի չեն, ապա իրավասու ստորաբաժանում այդ մասին պատվիրատուի դեկավարին է ներկայացնում գրավոր կարծիք՝ ներկայացնելով նաև պայմանագրի կնքման համար անհրաժեշտ գործողությունները, ժամանակացույցը և համապատասխան փաստաթղթերի նախագծերը: Ըստ որում, եթե գնումը հնարավոր է իրականացնել Հայաստանի Հանրապետության և Ռուսաստանի Դաշնության միջև 2013 թվականի հունիսի 25-ին կնքված «Ռազմատեխնիկական համագործակցության գարգացման մասին» պայմանագրի շրջանակներում, որի վերաբերյալ իրավասու ստորաբաժանումը ներկայացնում է գրավոր կարծիք, ապա

պատվիրատուի ղեկավարը պայմանագրով և Հայաստանի Հանրապետության կառավարության 2014 թվականի ղեկտեմբերի 4-ի N 1360-Ն որոշմամբ սահմանված կարգով, կախված գնման առարկայից, դիմում է Ռուսաստանի Դաշնության ռազմատեխնիկական համագործակցության դաշնային ծառայությանը (ФСБТС)՝ որպես նախընտրելի գործընկեր առաջարկելով «Рособоронэкспорт» կամ «Национальная авиационно-сервисная компания» բաժնետիրական ընկերություններին: Դիմումի պատճենը պատվիրատուի ղեկավարի կողմից ստորագրվելուց հետո եռօրյա ժամկետում ուղարկվում է ԳԸ պետին՝ ի գիտություն: Այս դեպքում գնման գործընթացն իրականացվում է համապատասխան միջազգային պայմանագրով և դրա հիման վրա ընդունված ակտերով սահմանված կարգով.

3) Եթե գնումը պետք է կատարվի գնումների մասին Հայաստանի Հանրապետության օրենսդրությամբ սահմանված կարգով, և եթե գնումը պետք է իրականացվի մեկ անձից, ապա իրավասու ստորաբաժանումը, որպես պատասխանատու ստորաբաժանում, հիմք ընդունելով Հայաստանի Հանրապետության կառավարության 2017 թվականի մայիսի 4-ի N 526-Ն որոշմամբ հաստատված կարգի 23-րդ կետի 4-րդ ենթակետի ցանկի 5-րդ կետի պահանջը, հաստատում է գնման հայտը: Գնման հայտով ներկայացվում են այդ ընկերության տվյալները՝ միաժամանակ գրավոր հիմնավորելով և հավաստելով, որ տվյալ գնումը հնարավոր է իրականացնել միայն այդ անձից, որի շրջանակներում՝

ա. Իրավերը գնման հայտը հաստատվելու օրվան հաջորդող 3 աշխատանքային օրվա ընթացքում, Հայաստանի Հանրապետության պաշտպանության նախարարության գնումները համակարգող ստորաբաժանմանը (այսուհետ՝ գնումները համակարգող) ուղեկցող գրությամբ, ուղարկվում է հնարավոր մասնակցին՝ առաջարկելով ոչ ուշ, քան տասն աշխատանքային օրվա ընթացքում ներկայացնել գնային առաջարկ՝ միաժամանակ իրավիրելով բանակցությունների: Հրավերով նաև սահմանվում է, որ կանխավճար նախատեսվելու դեպքում, մինչև կանխավճարի հատկացումը, պետք է պատվիրատուին ներկայացվի Հայաստանի Հանրապետությունում գործող բանկի կողմից տրամադրված բանկային երաշխսիք՝

կանխավճարի չափով, որը պետք է գործի մինչև կանխավճարի մարման օրվան հաջորդող 10-րդ աշխատանքային օրը,

բ. հնարավոր մասնակցի, պատասխանատու ստորաբաժանման ղեկավարի և ԶՈՒ գլխավոր շտաբի՝ գնման կարիքը ձևավորած կառուցվածքային ստորաբաժանման ներկայացուցիչների միջև բանակցությունները գնումները համակարգողի կողմից կազմակերպվում են գնային առաջարկը Հայաստանի Հանրապետության պաշտպանության նախարարություն մուտքագրվելու օրվան հաջորդող հինգ աշխատանքային օրվա ընթացքում: Բանակցությունները ձայնագրվում և գրավոր արձանագրվում են, արձանագրությունը ստորագրում են բանակցության բոլոր մասնակիցները: Բանակցությունները կարող են հանգեցնել գնման առարկայի բնութագրերի փոփոխմանը,

գ. Եթե բանակցությունների արդյունքում որոշվում է չկնքել գնման պայմանագիր, ապա բանակցությունների արձանագրությունն այն կազմելու օրվան հաջորդող երկու աշխատանքային օրվա ընթացքում, պատվիրատուի ղեկավարի ուղեկցող գրությամբ, ուղարկվում է նախարարին և ԳԸ պետին,

դ. Եթե բանակցությունների արդյունքում որոշվում է կնքել գնման պայմանագիր, ապա բանակցությունների արձանագրությունը և պայմանագրի մյուս կողմի հաստատած՝ ստորագրված և կնքված պայմանագրի օրինակները, դրանք պայմանագրի մյուս կողմի կողմից հաստատվելու օրվան հաջորդող երկու աշխատանքային օրվա ընթացքում ներկայացվում են պատվիրատուի ղեկավարին, որը երկու աշխատանքային օրվա ընթացքում հաստատում է՝ ստորագրում և կնքում է գնման պայմանագիրը կամ հետ վերադարձնում՝ պարզաբանելով և հիմնավորելով մերժումը.

4) Եթե ընդունելի են մեկից ավելի, սակայն սահմանափակ թվով ֆիրմային անվանմամբ կամ մոդելով ապրանքատեսակներ և գնումը նախատեսվում է իրականացնել առանց միջնորդի՝ գնման առարկան արտադրողից կամ վերջինիս ներկայացուցչից, ապա գնման հայտով ներկայացվում են այդ ընկերությունների տվյալները՝ միաժամանակ գրավոր հիմնավորելով և հավաստելով նշված հանգամանքը: Ըստ որում՝

ա. հրավերը, գնման հայտը հաստատվելու օրվան հաջորդող 3 աշխատանքային օրվա ընթացքում, գնումները համակարգողի ուղեկցող գրությամբ, առանձին ուղարկվում է հնարավոր բոլոր մասնակիցներին՝ առաջարկելով ոչ ուշ, քան տասնհինգ աշխատանքային օրվա ընթացքում ներկայացնել գնային առաջարկ՝ հրավիրելով միաժամանակյա բանակցությունների, նշելով բանակցությունների օրը, ժամը, վայրը: Հրավերում նաև նշվում է, որ կանխավճար նախատեսվելու դեպքում, մինչև կանխավճարի հատկացումը, պետք է պատվիրատուին ներկայացվի Հայաստանի Հանրապետությունում գործող բանկի կողմից տրամադրված բանկային երաշխիք՝ կանխավճարի չափով, որը պետք է գործի մինչև կանխավճարի մարման օրվան հաջորդող 10-րդ աշխատանքային օրը,

բ. առաջարկներ ներկայացրած մասնակիցների, պատասխանատու ստորաբաժանման ղեկավարի և ԶՈՒ գլխավոր շտարի՝ գնման կարիքը ձևավորած կառուցվածքային ստորաբաժանման ներկայացուցիչների միջև բանակցությունները գնումները համակարգողի կողմից կազմակերպվում են գնային առաջարկը Հայաստանի Հանրապետության պաշտպանության նախարարություն մուտքագրվելու օրվան հաջորդող հինգ աշխատանքային օրվա ընթացքում: Բանակցությունները ձայնագրվում և գրավոր արձանագրվում են, արձանագրությունը ստորագրում են բանակցության բոլոր մասնակիցները: Բանակցությունները չեն կարող հանգեցնել գնման առարկայի բնութագրերի փոփոխմանը, կարող են միաժամանակ բանակցել միայն մասնակցի գնային առաջարկը նվազեցնելու և (կամ) վճարման պայմանների փոփոխության ուղղությամբ: Բանակցությունների վերջնաժամկետին նվազագույն գին առաջարկած մասնակցին առաջարկվում է կնքել գնման պայմանագիր,

գ. Եթե բանակցությունների արդյունքում որոշվում է չկնքել գնման պայմանագիր, ապա բանակցությունների արձանագրությունն այն կազմելու օրվան հաջորդող երկու աշխատանքային օրվա ընթացքում, պատվիրատուի ղեկավարի ուղեկցող գրությամբ, ուղարկվում է նախարարին և ԳԸ պետին,

դ. Եթե բանակցությունների արդյունքում որոշվում է կնքել գնման պայմանագիր, ապա բանակցությունների արձանագրությունը և պայմանագրի մյուս

կողմի ստորագրած և կնքած պայմանագրի օրինակները, դրանք պայմանագրի մյուս կողմի կողմից հաստատվելու օրվան հաջորդող երկու աշխատանքային օրվա ընթացքում՝ ներկայացվում են պատվիրատուի դեկավարին, որը երկու աշխատանքային օրվա ընթացքում հաստատում է՝ ստորագրում և կնքում է գնման պայմանագիրը կամ մերժումով հետ վերադարձնում՝ պարզաբանելով և հիմնավորելով մերժումը.

5) եթե սույն կետի 3-րդ և 4-րդ ենթակետերը կիրառելի չեն, ապա գնման հայտով նախատեսվում է, որ հնարավոր մասնակիցը պայմանագրի կնքման և կատարման ողջ ընթացքում պետք է ունենա օրենքով սահմանված ուղղակի նշանակության արտադրանքի ներմուծման և արտահանման կամ ուղղակի նշանակության արտադրանքի տարանցիկ փոխադրման կամ ուղղակի նշանակության արտադրանքի առևտրի միջնորդական գործունեության գործող լիցենզիա: Իրավասու ստորաբաժանումը վարում է գործող լիցենզիա ունեցող անձանց ցուցակ (գրանցամատյան): Ըստ որում՝ սույն ենթակետով նախատեսված գնման շրջանակներում՝

ա. հրավերը, գնման հայտը, այն հաստատվելու օրվան հաջորդող 7 աշխատանքային օրվա ընթացքում, գնումները համակարգողի ուղեկցող գրությամբ, առանձին ուղարկվում է լիցենզավորված բոլոր անձանց՝ առաջարկելով ոչ ուշ, քան տասնհինգ աշխատանքային օրվա ընթացքում՝ ներկայացնել գնային առաջարկ՝ հրավիրելով միաժամանակյա բանակցությունների, նշելով բանակցությունների օրը, ժամը, վայրը: Հրավերում նաև նշվում է, որ կանխավճար նախատեսվելու դեպքում, մինչև կանխավճարի հատկացումը, պետք է պատվիրատուին ներկայացվի Հայաստանի Հանրապետությունում գործող բանկի կողմից տրամադրված բանկային երաշխիք՝ կանխավճարի չափով, որը պետք է գործի մինչև կանխավճարի մարման օրվան հաջորդող տասներորդ աշխատանքային օրը,

բ. առաջարկներ ներկայացրած մասնակիցների, պատասխանատու ստորաբաժանման դեկավարի և ԶՈՒ գլխավոր շտարի՝ գնման կարիքը ձևավորած

կառուցվածքային ստորաբաժանման ներկայացուցիչների միջև բանակցություն-ները գնումները համակարգողի կողմից կազմակերպվում են գնային առաջարկը Հայաստանի Հանրապետության պաշտպանության նախարարություն մուտքագրվելու օրվան հաջորդող հինգ աշխատանքային օրվա ընթացքում: Բանակցությունները ստորագրում են բանակցության բոլոր մասնակիցները: Բանակցությունները չեն կարող հանգեցնել գնման առարկայի բնութագրերի փոփոխմանը, կարող են միաժամանակ բանակցել միայն մասնակցի գնային առաջարկը նվազեցնելու և (կամ) վճարման պայմանների փոփոխության ուղղությամբ: Բանակցությունների վերջնաժամկետին նվազագույն գին առաջարկած մասնակցին (մասնակիցներին) առաջարկվում է կնքել գնման պայմանագիր,

գ. Եթե բանակցությունների արդյունքում որոշվում է չկնքել գնման պայմանագիր, ապա բանակցությունների արձանագրությունը, այն կազմվելու օրվան հաջորդող երկու աշխատանքային օրվա ընթացքում, պատվիրատուի ղեկավարի ուղեկցող գրությամբ, ուղարկվում է նախարարին և ԳԸ պետին,

դ. Եթե բանակցությունների արդյունքում որոշվում է կնքել գնման պայմանագիր, ապա բանակցությունների արձանագրությունը և պայմանագրի մյուս կողմի ստորագրած և կնքած պայմանագրի օրինակները, դրանք պայմանագրի մյուս կողմի կողմից հաստատվելու օրվան հաջորդող երկու աշխատանքային օրվա ընթացքում ներկայացվում են պատվիրատուի ղեկավարին, որը երկու աշխատանքային օրվա ընթացքում հաստատում է՝ ստորագրում և կնքում է գնման պայմանագիրը կամ մերժումով հետ է վերադարձնում՝ պարզաբանելով և հիմնավորելով մերժումը:

8. Սույն ընթացակարգի 7-րդ կետի 4-րդ և 5-րդ ենթակետերի շրջանակներում

1) գնային առաջարկները ներկայացվում են փակ ծրարով և բոլոր հայտատուններին հնարավորություն է ընձեռվում մասնակցելու հայտերի միաժամանկյա բացմանը.

2) գնումների մասին Հայաստանի Հանրապետության օրենսդրությամբ նախատեսված պայմանագրի կատարման ապահովումը պատվիրատուին ներկայացվում է Հայաստանի Հանրապետությունում գործող բանկի կողմից տրամադրված բանկային երաշխիքի ձևով՝ պայմանագրի գնի տասը տոկոսի չափով.

3) միաժամանակյա բանակացությունները վարվում են Հայաստանի Հանրապետության կառավարության 2017 թվականի մայիսի 4-ի N 526-Ն որոշմամբ սահմանված կարգով:

9. Սույն ընթացակարգի կիրառման մեթոդական ցուցումները սահմանում է պատվիրատուի դեկավարը:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏԻ ԱՇԽԱՏԱԿԱԶՄԻ
ԴԵԿԱՎԱՐ**

Ա. ՀԱՐՈՒԹՅՈՒՆՅԱՆ